

Girjjás girjjálašvuodaprográmma Márkomeanus

Dán jagi girjjálašvuodaprográmma Márkomeanus lea earenoamáš girjái. Son guhte čuovvu prográmma, beassá vásihit sihke juoigama, muitaleami, girjealmmuhemiid ja “eahpesámi” sámi girjjálašvuoda.

Nugo diibmá ovttasbarget Nuortalátti ja Romssa filkkagirjerádjosat lágидit festiválagirjerádjosa Márkomeanus. Girjerájus lea festiválajalggas ja lea rabas golbma beaivvi festiválavahkus. Doppe sáhtttá lodnet girjjiid, laddet mobilaid, lohkat áviissaid ja iskat interneahhta, ja doppe lágидuvvo nai festivála girjjálašvuodaprográmma.

Mánáidmeanu aktavuodas bearjadaga lea girjjálašvuodabodda mánáide. Dohko boahá girječállii, juoigi ja musihkkár Karen Anne Buljo. Váldooasi Buljo čájálmasas vuolgá su multimedia-girjjis mánáide, *Stephen Burrough*. Girji tematisere sámi čállingiela šaddama, sihke sániid, govaid ja jienaid bakto.

Bearjadat- ja lávvardateahkeda gullá ges “eahpesámi” sámi girjjálašvuhtii. Nuorra girječállit Endre Ruset ja Kathrine Nedrejord vuolgiba goabbat sámi duogážis. Ruset boaresáhčči lea eret márkogilis gonnes festivála lágидuvvo, beare moadde kilomehtera eret festiválabáikkis ja Nedrejorda sohka vuolgá Finnmárkkus, muhto goabbat leat bajásšaddan sámi guovlluid olggobealde. Ja girjjálašvuodas man čálliba ii leat “sámivuohhta” oidnosis.

Endre Ruset lea almmuhan guokte diktagirjji, *Ribbeinas vingspenn* ja *Kims lek*, ja Kathrine Nedrejord ges debuterii diibmá románain *Transitt*. Bearjadateahkeda galgaba soai lohkat bihkiid iežaska girjjiin, ja lávvardateahkeda galgaba searvat BORDERLINE, SÁPMI-prográmmii, gonnes galgaba hoallat iežaska girjjálašvuoda birra. Gažaldat man BORDERLINE, SÁPMI viggá guorahallat: Gonnes álgá ja nohká sámi girjjálašvuohhta?

Dasa lassin almmuha báikkálaš sámi lágáidus Skániid girjie iežas ođđa girjjiid festiválas. Almmuheamit lágидuvvojit lávvardaga beaivet, ja njeallje ođđa girjji gaskkas lea sihke čáppagirjjálašvuohhta ja fágagirjjálašvuohhta.

Márkomeannu lágидuvvo suoidnemánu 28.–30. beivviid Evenášis ja Skániin, Ufuohtas ja Oarje-Romssas.

GULAHALLAN

Runar Myrnes Balto, festiválajođiheaddji, +47 977 73 778, runar@markomeannu.no
Ellen Berit Dalbakk, buvttadeaddji, +47 997 96 947, ellen@markomeannu.no